

Iakwe Jinen im Jemen/Rikejbarok,

Ilo yio in jikuul in, **Auburn School District** ej kōmmāne juon jerbal eo ejej uwaan ñan loloorjak an aoleb rijikuul bōk aoleb jerammon ilo katak ko aer ilo aer jade in jikuul aoleb raan. Niknik in jāde ñan jikuul aoleb raan ej jibañ rijikuul ro bwe en emman aer mour kin jikuul - im er make. Rijikuul eo nejum emāroñ jino kolablok iminene eo an ilo preschool bwe en jelā ien eo wōt ke jab rumwij ñan jikuul, jāde aoleb raan reaurōk. Niknik in jāde ñan jikuul enaaj jibañ ajiri ro bwe en emman katak ko aer ilo high school, kalōj, im ilo jikin jerbal.

KWAR KE JELĀ?

- Ñe elab jako jen jikuul jino jen kintōrkarten (jekdoon ñe ewōr melim ak ejelok melim) emāroñ kōmman bwe ajiri ro ren wōtlak ilo katak ko aer.
- Likjab in jāde 10% (ak tarin 18 raan) ej kolablok an rijikuul eo nejum māroñ jab jelā riit ak katak bōnbōn joñan wōt rijikuul ro mōttan.
- Rijikuul ro remāroñ wōtlak ilo katak ko aer ñe renaaj jolok juōn ak ruo raan aoleb jejo wiik.
- Rumwij ñan jikuul emāroñ kōmman bwe en jab niknik an jāde ñan jikuul.
- Jolok raan in jikuul emāroñ jelet aoleben kilaaj eo elañe rikaki eo enaaj aikuj karumwij an lelok ekatak bwe en māroñ jibañ ajiri ro raar jako kauñuuñ ilo katak ko aer.
- Ilo ien kilaaj 6, jolok raan in jikuul ej juōn iaan kōkkalle ko jilu ke rijikuul eo emāroñ in jab kamōj an high school.
- Ilo an rijikuul eo niknik in jāde ñan jikuul, enaaj katak kabeel ko raurōk im wōr ien ñan an kōmman jemjerā ko rej make wōt ibben rijikuul im rijerbal ro an jikuul eo.
- Jolok raan in jikuul emāroñ juōn kōkkalle ke rijikuul eo edriklok an itok limo ilo jikuul, eben katak ko ñan e, ewōr en ej kamijake ak kabunōnōik ak ewōr bar juōn un emāroñ ben ñan e.
- Ilo ien kilaaj 9, niknik in jāde ñan jikuul elablok an kalikar joñan rijikuul renaaj kaduwōjlok im ejjab jen kureet in teej ko ilo kilaaj 8.

TA KO KIM EJ AIKUJ JEN KWE

Kim ej buromōj kin rijikuul eo nejum ñe ej jako im kim ej kaurōk ijo kwōnaan ñan jikuul in am. Kim kōnaan bwe kwōn jibañ lolorjaak bwe rijikuul eo nejum en niknik an jāde ñan jikuul im en wōnmaanlok ilo jikuul. Elañe rijikuul eo nejum enej jako jen jikuul, jouj im kebaak obiij eo ilo mōn jikuul eo ej bok eddo in an rijikuul jāde.

KALLIMUR EO AMIM ÑAN KWE

Kim jelā ke ewōr un ko kajojo rej kōmman bwe rijikuul ren jako jen jikuul, jen inebata ko ikijen ejmour ñan abañ in ial. Elōñ armij ro ilo obiij eo rebojak in jibañ kwe elañe kwe ak rijikuul eo nejum ewōr abañ in etal ñan jikuul aolep ien ak jab rumwij ñan jikuul. Kim ej kallimur in lale an rijikuul eo jāde ñan jikuul aoleb raan, in jelā ñe rijikuul eo nejum ej jako jen kilaaj, kēnaan ibbam in melele ta unin an jako, im bukōt abañ im jibañ ko ñan jelmae abañ ko kwōj iooni ñan jibañ rijikuul eo nejum niknik in jāde ñan jikuul.

KAKIEN KO AN JIKUUL IM STATE EO

Aurōk bwe kwōn melele kin kakien ko an jikuul, im bareinwōt kakien ko an state eo an Washington ñan am lolorjaak an ajiri eo nejum wōnmaanlok ilo jikuul. Kakien eo an state ikijen jab jolok raan in jikuul etan in Becca Bill, ej karōk bwe ajiri ro 8 ñan 17 aer yiō ren jikuul ilo jikuul ko an kien, jikuul ko ejjab an kien, ak juōn jikuul kōmman ilo mōn jokwe im emōj an melim jen bukōn in jikuul eo. Ajiri ro 6-7 aer yiō rejjab aikuj dreloñ ilo jikuul. Ijo wōt ke ñe jinen im jemen renaaj kadreloñ ettan ajiri eo nejier 6-7 aer yiō, rijikuul eo ej aikuj jikuul likio in juōn raan. Jodrikdrik ro rej 16 aer yiō im rittolok remāroñ melim jen aer jab bed ilo jikuul ko an kien ñe karōk ko rejelet er.

<http://apps.leg.wa.gov/rcw/default.aspx?cite=28A.225>

Kim, jikuul eo, ej aikuj ikkur etan rijikuul aoleb raan im kōjellāik waj kwe ñe rijikuul eo nejum ear jako jen jikuul ilo ejelok melim.

Ñe rijikuul eo nejum enaaj ruo an raan in jako jen jikuul ilo ejelok melim ilo juōn allōñ, kakien eo an state (RCW 28A.225.020)ej kwalok bwe jen karōk juōn kwelok ibbam im rijikuul eo nejum ñan kalikar abañ im jibañ ko ñan kōmman bwe en niknik an jāde ñan jikuul. Bukōn eo an jikuul eo ej aikuj kōmmane juōn bebe im emāroñ aikuj kōmman juōn etale ñan jelā wāwein eo emman tata ñan ioon aikuj ko an rijikuul eo nejum im kadriklok an jako jen jikuul.

Ilo elementary jikuul elikin lalim raan in jako ejelok melim in ilo jabdewōt allōñ, ak joñoul ak lablok raan in jako ejelok

melim in ilo yiō in jikuul eo, bukōn eo an jikuul ej aikuj kebaak kwe im karōk juōn kwelok ilo juōn ien emman ñan aoleb ibben juōn rijerbal in bukōn eo ñan lale abañ im jibañ ko ñan kwe im rijikuul eo nejum. Ejelok unin kōmman kwelok ñe rijikuul eo nejum emōj an lelok beba jen taktō, ak ekar kōmman an melim in jako ilo jeje, im ñe jinen ak jemen, rijikuul, im jikuul eo emōj kōmman bebe ko bwe rijikuul eo nejum enjab wōtlak ilo katak ko an. Ñe rijikuul eo nejum ewōr an Bebe eo an Juōn Make ikijen Jelālokjen ak Bebe 504, kumi eo ear kōmane bebe ko ej aikuj bar kwelok.

Ñe rijikuul eo nejum ewōr an 7 raan in jako ejelok melim in ilo jabdewōt allōñ ak 15 raan in jako ejelok melim in iloan yiō in jikuul eo, kim aikuj kadreloñ juōn kajjitōk ibben mōn ekajet eo an Jodrikdrik, kalikar ke erub kakien RCW 28A.225.010, kakien ko ikijen jab jolok raan in jikuul ko. Ñe rijikuul eo nejum ejjab bōjrak an jab jāde ñan jikuul, kwomāroñ naaj aikuj in etal ñan mōn ekajet.

Ilo Auburn, emōj amim karōk kakien kein ikijen niknik in jāde ñan jikuul ñan jibañ kwe lorlorjaak an rijikuul eo nejum niknik in jāde ñan jikuul. An rijikuul ro jolok raan in jikuul kin ejelok melim jen jinen im jemen enaaj bed ilo rekoot einwōt likjab in jāde. Kakien eo an Auburn School District 3121 ej kalikar jako ko remelim im ej bar kalikar kajoor eo an burinjibōl in jikuul eo nan lale elane jako eo an rijikuul in ej loor laajarak ko an bukōn.

TA EO KWOMĀROÑ KŌMMANE

- Karōk juōn awa in kiki im iminene in wāwein emakitkit in jibboñ.
- Kabooj kein jikuul ko boñin eo mokta, kadedelok katak ko im lolorjaak bwe en emman an kiki in boñ.
- Lale raan ta eo jikuul ej jinoe im lolorjaak bwe rijikuul eo nejum en uñ ak jijjet aoleb wā ko an.
- Jab kōtlak an rijikuul eo nejum bed wōt mweo ijelokin wōt ñe elukkin mool in nañinmij. Kwōn jelā ke abunōnō kin metak loje ak metak bar emāroñ kōkkalle in an inebata im ejjab un ñan an bed wōt mweo.
- Kajeoñ in jab kōmman karōk im makitkit ko ilo raan in jikuul.
- Kōmman bebe ñan ial ñan jikuul ñe ewōr idin ko. Kir juon uwaan baamle eo, juon eo ej jokwe ituris, ak bar juon jinen ak jemen ajiri.
- Kwōn lale im jelā niknik in an ajiri eo nejum jāde ñan jikuul. Jolok raan in jikuul elablok jen 9 raan ej likit ajiri eo nejum ilo uwata ilo an naaj wōtlak ilo katak ko an.
- Kenaan ibben rijikuul eo nejum kin aurōk in niknik in jāde ñan jikuul.
- Kenaan ibben rikaki ro an ajiri eo nejum ñe kwōj lo ewōr jidimkij in an oktak mwilin. Emāroñ kin juōn men eo ilo mōn jikuul eo.
- Rejañe kin makitkit ko ewōr tokjeir im rej kōmman elikin jikuul, ekoba ikkure ko im drouluul ko emāroñ kobalok ie.

Ilo kautiej,

Rhonda Larson

Assistant Superintendent, Obij eo ej bōk edoon an baamle bōk
kwonaer im tōbrakin rijikuul ilo Auburn School District

Etam Rijikuul: _____ Kilaaj Jete: _____ Jikuul: _____

Ilo am jain ijin lal kwōj kwalok ke emōj am riit im kwomelele kakien im laajrak ko ikijen niknik in jāde ñan jikuul ilo Auburn School District.

_____ Raan eo _____